



KOMUNIKADO

Fecha

2 di novèmber 2017

Accountmanager di Komunikashon

Jahaira Nahr

Email

jahaira.nahr@gobiernu.cw

Departamentu di Aviashon Sivil Kòrsou (CCAA) ta haña direktor nobo

Willemstad - Entrante 1 di novèmber Departamentu di Aviashon Sivil Kòrsou, Curaçao Civil Aviation Authority (CCAA) ta konta ku un direktor general nobo. Sr. Hans de Jong, apuntá komo e direktor general nobo, a tuma e responsabilidatnan di maneho for di sra. Caroline Gonzalez-Manuel kende den e periodo tras di lomba tabata tin e enkargo di direktor interino di CCAA. Banda di su funshon real ku ta esun di direktor di sektor di Infrastruktura i Planifikashon Urbano den e ministerio di VVRP, sra Gonzalez-Manuel a ehersé e funshon menshoná.

Sr. Lesley La Place tambe a drenta servisio di CCAA riba mesun fecha. Sr. La Place ta bai liderá e unidat di Seguridat i Inspekshon (Safety, Security & Inspection, SSI) den CCAA. Sr. De Jong durante su introdukshon na personal di CCAA a enfatisá ku alkansá Kategoria 1 di FAA ta un reto i alabes un prioridat. Sinembargo no por lubida ku CCAA mester kuminsá prepará pa posibel audit dor di ICAO den 2019. ICAO ta e organisashon di Nashonnan Uní speshalisá den supervishon di aviashon sivil i ku ta sòru pa kumplimentu global ku e konvenshon di Aviashon Internashonal Sivil.